

Baibulo ya ana
Ikupasilani

Munthu
Wotumidwa
ndi Mulungu



Yolembedwa ndi: Edward Hughes

Yojambulidwa ndi: Byron Unger; Lazarus
Alastair Paterson

Yotengedwa ndi: E. Frischbutter; Sarah S.

Yotanthauzilidwa ndi: Tapiwa Maraira

Yo pangidwa ndi: Bible for Children
www.M1914.org

©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Tsiku lina m'kachisi wa Mulungu, wansembe wina wokalamba, dzina lake Zakariya, anali kufukiza. Kunja, anthu ankapemphera. Mwadzidzidzi, Zakariya ananjenjemera.



Mngelo anali atabwera. "Musaope," iye anatero.



"Mulungu anandituma ine. Mkazi wako adzakhala ndi mwana wamwamuna. Umutche Yohane. Iye azadzazidwa ndi Mzimu Woyera kuyambira chibadwire. Iye adzatembenuzira anthu ambiri kwa Mulungu."




"Lankhula kwa ife, Zakariya."
Anthu amene anali kunja anadabwa.
Iwo sanadziwe kuti mngelo Gabirieli
ananena kuti Zekariya sadzatha
kulankhula mpaka mwanayo
atabadwa chifukwa
sanakhulupirire uthenga
wochokera
kwa Mulungu.



Iye ankaganiza
kuti mkazi wake
wakalamba
kwambiri moti
sangakhale ndi
mwana.



Kunyumba, Zakariya analemba
zonse zimene mngelo anamuuza.
Elizabethi mkazi wake anadabwa
kwambiri. Nthawi zonse
ankapempherera mwana.
Kodi izo zikhoza
kuchitika
tsopano?





Pasanapite nthawi,
Elizabethi anadziwa
kuti pali mwana.
Iye anatamanda
Mulungu. Tsiku lina
Mariya, msuweni
wake wa Elizabethi,
anafika. Nayenso
Mariya anali
woyembekezera.





Mariya atafika,
Elizabethi anamva
mwana wake
akudumpha m'mimba
mwake. Elizabethi
anadzazidwa ndi
Mzimu Woyera. Iye
ankadziwa kuti mwana
wa Mariya adzakhala
Ambuye Yesu Khristu.
Azimayi awiriwa
pamodzi anatamanda
Mulungu mosangalala.



Mwana wa Elizabeti anabadwa monga momwe
Mulungu analonjezera. "Mumutche Zakariya, monga
atate wake," ansembe enawo
anatero. Zakariya anakumbukira
lamulo la Mulungu. "Ayi! Dzina
la mwanayo ndi Yohane."
Zakariya atalemba mawu
amenewa, mawu ake
anabwerera, ndipo
anatamanda
Mulungu.



Pamene Yohane anakula anali ngati Eliya, munthu wamkulu wa Mulungu. Yohane anauza anthu kuti Mesiya watsala pang'ono kubwera kudzawadalitsa. Atsogoleri a Chiyuda adamuda Yohane chifukwa adawauza kuti: "Lapani! Lekani kuchimwa." Sanafune kumva za machimo awo.



Ena ankamutchula kuti Yohane M'batizi chifukwa ankamiza anthu m'madzi kuti asonyeze kuti akumva chisoni ndi machimo awo. Tsiku lina

Yesu anadza kwa Yohane kuti abatizidwe. "Iwe

uyenera kundibatiza ine," anatero Yohane.

Koma Yesu anati,

"Zikhale chomwecho."

Ndipo

Yohane

anamubatiza

Iye.



Yesu atabatizidwa,
Yohane anaona mzimu
woyera ukubwera pa
Yesu ngati nkhunda.
Ichi chinali
chizindikiro cha
Mulungu. Yohane
ankadziwa kuti Yesu
anali Mwana wa
Mulungu. Yohane
anamutcha Yesu
Mwanawankhosa wa
Mulungu amene
achotsa machimo
adziko lapansi.



Yohane anatsogolera anthu ambiri kwa Mulungu.
Koma Herode, wolamulira woipayo, anatsekera

Yohane m'ndende.

Yohane anauza Herode
kuti: "Ndi tchimo kwa
iwe kuti utenge
Herodiya, mkazi
wa m'bale wako."




Herode anadziwa kuti zimenezi n'zoona. Iye
ankadziwa kuti Yohane anali mtumiki wa Mulungu,
munthu wolungama
ndi woyera. Koma
sanafune kusiya
kuchimwa. Ndipo
Yohane sanaleke
kulalikira za
uchimo, ngakhale
zitatanthauza
ndende.



Pa tsiku la kubadwa kwake, Herode anachita phwando lalikulu. Mwana wamkazi wa Herodiya anavina. Izi zinakondweretsa Herode. "Mukhoza kupempha chirichonse chimene mukufuna," iye analonjeza motero. "Ngakhale theka la ufumu wanga."





"Ndifunse
chiyani?"
Mtsikanayo
anadabwa. Mayi
ake oipa Herodiya,
amene ankadana
ndi Yohane,
anamuuza zoti
apemphe! Zinali
zoipa!



"Ndipatseni mutu wa Yohane
M'batizi m'mbale," mtsikanayo
anauza Herode. Anamva
chisoni chifukwa cha lonjezo
lake, koma anali wonyada
kwambiri kuti aswe. "Dulani
mutu wa Yohane ndi
kuubweretsa kuno,"
analamula Herode.

Asilikali ake
anamumvera.



Mwachisoni, anzake a Yohane
anaika mtembo wa mtumiki wa
Mulungu wolimba mtima ndi
wokhulupirika. Ntchito ya
Yohane kwa Mulungu
inali itatsirizika.
Mwina ankadziwa
kuti Yesu akhoza
kuwatonthoza
m'chisoni chawo.



Munthu Wotumidwa ndi Mulungu

Nthano yochokera mu mau a Mulungu,
Baibulo,

opezeka mu

Mariko 6, Luka 1, 3

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mumtima mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

